

中興禮書續編

中興禮書續編第十一卷

吉禮十一

緣祀裁製圖

景靈宮

淳熙十六年十一月九日禮部太常寺言檢准紹興十八年五月八日已降指揮尋訪配饗功臣肖像於景靈宮庭壁繪畫從太常寺報奏院行下尋訪配饗功臣之家令各家繪畫肖像繳申禮部行下太常寺收管令臨安府措置依畫到肖像於景靈宮庭壁繪畫勘會將來迎奉高宗皇帝神御詣景靈宮中庭安奉乞依前項禮例於中殿庭壁繪畫配饗功臣詔依

四孟朝獻景靈宮

淳熙十四年十月八日礼部太常寺言大行太上皇帝  
升遐檢照國朝典故所有今來孟冬朝獻欲乞依典故  
權停詔依十二月十三日礼部太常寺言勘會來年孟  
春朝獻景靈宮緣係在大行太上皇帝服制之内及未  
祔廟見停宗廟之祭欲依今年孟冬礼例權停詔依十  
五年四月二日礼部太常寺言勘會四五朝獻車駕詣  
景靈宮行礼依礼例本寺前期選日奏聞其淳熙十四  
年孟冬及今年孟春朝獻已降指揮緣係在大行太上  
皇帝服制之内及未祔廟見停宗廟之祭其孟冬及孟  
春朝獻依典故權停令檢准三十年正月五日已降指  
揮節文顯仁皇后陞祔礼畢依典礼行朝獻之礼續准  
指揮為衣服未純吉所有景靈宮朝獻並令宰執分詣

勘會今來聖神文武憲孝皇帝神主祔廟已降指揮用  
四月二十日所有將來礼畢孟夏朝獻欲乞令太史局  
於四月二十日以後擇日施行詔令礼部太常寺議定  
聞奏十一日礼部太常寺言檢照顯仁皇后神主祔廟  
係紹興二十九年十二月十四日準紹興三十年正月  
五日已降指揮節文顯仁皇后陞祔礼畢依典禮礼行朝  
獻之礼續準指揮為衣服未純吉所有孟春朝獻並令  
宰執分詣勘會今來聖神文武憲孝皇帝神主祔廟已  
降指揮用四月二十日所有孟春朝獻今議定欲乞依  
上件礼例宰執分詣行礼合用日辰乞令太史局於四  
月二十日以後擇日施行詔恭依十五日太常寺言勘  
會已降指揮孟夏朝獻依礼例宰執分詣行礼今具下

項一行禮日辰尋閏太史局選日去後今據本局申宜  
用四月二十六日壬辰吉依例分作兩日行禮係用四  
月二十六日二十七日一行禮日依禮例皇帝前後殿  
不視事詔依

是年孟冬次年  
孟春並仿此

中興禮書續編第十三卷

吉禮十三

配饗功臣

淳熙十五年三月十七日兵部尚書宇文价等言奉聖旨令臣等詳議高宗聖神文武憲孝皇帝祔廟配饗功臣者恭惟高宗聖神文武憲孝皇帝天賜勇智紹開中興撥亂之勲同符於藝祖揖遜之德光姚於唐堯一時將相名臣著在彛鼎宜列侍大室序於大丞丕昭雋聲式叶舊典伏見故宰臣太師秦國公謚忠穆呂頤浩再登鼎司能斷大事主盟義舉取日虞淵訖於瀛海無波復安宗社艱難之際厥功茂焉特進觀文殿大學士謚忠簡趙鼎智慮湛明學識醇固北邊受敵力贊親征國

本末正建萬世之長策望實高劬斯民具瞻太師新王  
謚忠武韓世忠身更百戰義勇橫秋建炎勤王授袂奮  
發連營淮楚虎視無前名聞羗夷至今落膽太師循王  
謚忠烈張俊策翊霸府披荊棘以立朝廷禦侮勤川靖  
寇江左功名之盛溢於旗常而秉心忠勤終始一節四  
人皆有名節續見稱於世宜如明詔伏請並配饗高宗  
廟廷詔依

四月十八日太常少卿尤表等言竊考祖宗典故既祔  
廟然後議配饗蓋必先有廟而後有從祀之臣礼則然  
也趙普曹彬之配食太廟定議於二十餘年之後薛居  
正潘美配食太宗議定於二年之後乾興元年翰林學  
士李維等乞以王旦配食真宗在祔廟後一月最為切

近然當時亦必詔禮官參議務盡衆言獨嘉祐八年議以王曾呂夷簡配食仁宗乃在山陵之前然亦必先降詔旨下兩制定議當用何人而王珪等始以曾等姓名上之其不敢倉卒如此元祐元年裕陵復土已七閱月有司始援典故乞自兩制以上及太常寺秘書省長貳同議配饗又兩月而吏部尚書孫永等始以富弼應詔蓋宗廟至重必嚴其事不病其緩也今宋高宗猶未祔廟所議配饗少遲旬月固未為晚乃忽定於靈駕發引一日之先事出倉卒衆以為疑仰惟高宗皇帝受命中興一時將相依乘風雲勤功帝籍不出數人自有公論為之子孫皆以考祖得預為榮倘不按典故不集議衆則無以獻伏其他勲臣子孫之心消弭衆多之口而祖



宗集議典禮將恐遂廢哀等備員礼官誠見議論紛  
以定配為速以不集議既有前件典故倘不條陳是為  
失職欲乞候升祔礼畢別擇日下侍從兩省臺諫礼官  
及秘書省集議竊惟配食清廟係大典礼付之衆人則  
議論自公遲以歲月則名實自定公則人無辭定則萬  
世不變若韓琦之升配英廟在當時孰有出其右者然  
尤遲至九年之後至熙寧未始降指揮可見先朝不肯  
容易如此苟惟不然王安石蔡確之不合衆心雖定於  
紹聖崇寧而卒改正於紹興今來亦宜反復熟議以盡  
衆言少遲旬月以侍論定庶幾預者無愧不預者無辭  
詔今來集議侍從兩省臺諫官及太常寺秘書省依典  
礼詳議聞奏

四月二十四日臣僚上言臣聞天下之事定論出乎一而紛紜起乎二三此不可不解戒也臣近者伏見集議聖神武文憲孝皇帝廟號一時羣臣皆以中興之君自有商始以其功德最高故號曰高於是合辭奏請上廟號曰高宗既而以唐有高宗今侍從臺諫兩省礼官議定聞奏由是二三之論紛紜而起焉或曰堯或曰藝或曰光集議至於再三終莫能一其後卒從初議所謂定論出乎一而紛紜起於二三者豈非近事之驗乎今者所議配饗功臣始則翰林學士洪邁首建四人議欲照典故付侍從官詳議奏聞繼而兵部尚書宇文价等一十四人合辭議定以呂頤浩趙鼎韓世忠張俊四人者皆有名績續見稱于世宜如明詔伏請並配饗高宗廟

廷得旨依奏則是配饗之議已有一論定之論矣朝廷  
從而出給省劄付各家子孫照會則是論定之後已見  
於施矣行今月十八日忽降指揮因禮官有請再令集  
議侍從臺諫兩省官太常寺秘書省依典禮詳議聞奏  
臣竊謂禮官之請若以前議為是則四人者已集侍從  
議定不必再請苟以前議為非則必曰某人不合配饗  
當以某人代之人有兩主則二三之論又將紛紜而起  
矣况朝廷議大典禮事體既重則舉措所宜不輕前日  
議定四人已給各家省劄若子與孫亦以告其祖父矣  
今日欲有兩更易則前日被受之家不知何以處之乎  
臣愚欲望聖慈察臣區區之言將今降指揮更賜詳酌  
無致舉指之輕而起紛紜之論伏恐禮官以前議未盡

別有合配饗功臣欲乞睿旨令其具奏繳進取自聖斷  
或與大臣商榷然後施行庶不致甲可乙否重惑朝聽  
詔依更不再集議

中興禮書續編第十四卷

嘉禮一

奉上太上皇帝太上皇后尊號冊寶一

淳熙十二年八月三日詔太上皇帝聖壽無疆來歲八十邦家大慶載籍未聞可令有司討論典禮來上

八月六日礼部太常寺言今泰欲照淳熙二年加上尊號及慶壽典禮討論施行詔依

八月八日礼部太常寺言今泰照討論到合行申請下項一勘會昨紹興三十一年八月十四日奉上太上皇帝尊號曰光堯壽聖太上皇帝太上皇后尊號曰壽聖太上皇后乾道七年正月一日加上光堯壽聖太上皇帝尊號曰光堯壽聖憲天體道太上皇帝壽聖太上

皇后尊號曰壽聖明慈太上皇后淳熙二年十一月一日冬至加上光堯壽聖憲天體道太上皇帝尊號曰光堯壽聖憲天體道性仁誠德經武緯文太上皇帝壽聖明慈太上皇后尊號曰壽聖齊明廣慈太上皇后所有今來加上尊號欲乞依上件礼例施行 一加上尊號冊寶礼例朝廷定日劄下礼部太常寺是日宰執侍從臺諫兩省官礼官于尚書省集議奏聞 一加上尊號議定所上尊號具奏進入降付學士院修撰表牋進呈帝幸百僚詣德壽宮恭請擇日皇帝率百僚詣德宮皇帝加上尊號之意奉表牋入宮如宮中之儀百僚殿下兩拜訖移班再拜訖退 一依礼例皇帝率百僚詣德壽宮奉表牋恭請加上尊號係學士院修撰表牋進書訖降付御藥院及

報太常寺下太史局擇日具申朝廷以俟車駕詣德壽宮奉表牋供進候詰允令學士院降詔擇日宣布一勘會今來加上尊號冊寶并沿冊寶法物乞令工部下文思院修製施行 一合差撰冊文官書冊文官篆寶

文官禮儀使都大主管官並乞依禮例施行詔依九月三日尚書省劄子集議加上尊號詔用十二月一日

八月十日詔加上尊號修製冊寶及將來行加上之禮都大主管官差李思溫

八月十二日入內內侍省押班李思溫奏准勅差充都大主管官應合行事件欲並參照淳熙二年并逐次加上尊號冊寶已行禮例施行詔依

十三日工部言將作監申據文思院上下界狀加上尊

號冊寶所是玉材已蒙省部供申朝廷請降外今有合  
申請事件下項 一契勘逐院今來修製加上尊號玉  
寶欲乞依例下礼官討論範樣大小分寸制度及金寶  
并沿寶：法物等下院以憑遵守修製施行 一所有  
珉玉冊二副金玉寶各一鈕并沿冊寶法物等生活並  
係奉上之物務要入細加工取巧造作事體至重不比  
泛常造作若依法式比類工物則例計料及次第經由  
省監行下左藏庫雜買務等處支買委是妨闕遲延今  
欲乞將合用物料願工錢等從逐院先次約度開具徑  
申戶部直帖下所屬日下支買內工錢以會子盡數支  
給雜物并絨線工物等今雜買務照應近降指揮日下  
計置應副仍不得科抑續後從逐院將用過工物照應



節次修製冊寶法物立定等第則例具帳狀經申戶部  
出審施行 一 所造冊寶等法物工績浩大全籍手高  
知次第人匠連夜併工起期修製今欲乞將所關工匠  
從逐院於諸官司踴逐曾經知次第手高之人移牒本  
處時暫權行指名差借外有闕少人匠亦牒臨安府等  
處差願不以有無諸般拘礙不許差取乏人且依今來  
指揮並限日下權行發遣赴院候事早日發遣還元差  
官司 一 今來所有造冊寶并沿冊寶法物等生活雖  
已申乞下札官討論緣逐院係是造作官司不知典禮  
色額樣制若或制造不應典禮臨期旋行改造定見闕  
悞今欲乞下太常寺專差知次第札直官一名赴院指  
說合用名件色額樣制以憑遵守製造務合典禮詔依

八月十六日幹辦御藥院謝道安等言准差修製加上  
尊號冊寶行礼都大主管所承受今乞以修製加上光  
堯壽聖憲天体道性仁誠德經武緯文太上皇帝壽聖  
齊明廣慈太上皇后尊號冊寶行礼都大主管所承受  
為名應行移文字乞就用御輦院印記行使差行遣文  
字人吏二人於見領職局或内外官司公吏使臣校副  
尉內指差與理為合入差遣及在司任月日候事畢依  
舊下皇城司指名權差誤從親行二人并乞差親從親  
事官二人充投送文字等內親從親事官於見領職局  
內指差相兼祇應如有拘礙特依今來指揮遂具奏聞  
詔依

八月十九日都大主管所言據幹辦龍圖大章閣閣禮

寺狀准差充修撰加上尊號冊寶行礼主管諸司事体至重與其他典禮不同今乞以修製加上光堯壽聖憲天体道性仁誠德經武緯文太上皇帝壽聖齊明廣慈太后皇后尊號冊寶行礼主管諸司為名行移合用印記乞就用御厨印記行使乞於見領職局或内外官司公吏人并己未叅部大小使臣校副尉内階逐指差手分六人充行移文字與理為任在部在司月日如有一切拘礙特依今來指揮候事畢發遣如無勅號之人乞於皇城司關請勅入宮門號綴帶乞皇城司指名權差快行親從四人充催促排辦官物投送文字祇應候事畢發遣如有拘礙特依今來指揮所有合用糸遺絨劄朱紅乞下臨安府取大小表毛頭絨各三百張池表五

五十張朱紅一兩如支使將欲盡絕接續關取禮儀使已下行禮等官遇宿齋行禮等於幕次內許存留火燭其合用器皿花瓶麻爐什物牀席燭燭油炭濃油麻紙執盒等并磁碗碟盤合匙筋所湏之物乞下臨安府專委通判一員衙前二人排辦應副事畢一面拘收其燈火並於諸司關請事畢灑熄禮儀使已下行禮等官宿齋等日各破第二等早晚食及隨晚食酒五升乾果子八兩其合用造食肉羊米麪物料柴炭酒果之類並令臨安府據諸司報到實用物數供納所殺到頭肚事件並折肉秤納其第等安食並依御厨食式料例支破隨宜改造除禮儀使宰執使相造作供納外有其餘行事官乞各差人赴諸司承受供應乞指名抽差下項祇應

人如有拘礙時依今來指揮發遣御厨工匠三十八人  
內人負節級各二人撥食四人并御膳直下院子一十  
五人內人負一名充造作供應禮儀使已下行礼等官  
飲食及乞見管職局內指差庫子二人充掌管官物輸  
林司八人內人負一名充排辦酒果茶湯熟水儀鸞司  
三十人內人負一名充指引排辦釘設冊寶帳次禮儀  
使已下行礼等官宿齋幕次及遇夜供燒紙盆祇應事  
畢發遣乞於應合祇應去處就便踏逐空地隨宜令臨  
安府委官將帶人物前來從諸司指引權行修蓋席屋  
一十間并週回擗截露難泥埋鍋竈等充置局安頓官  
物造作飲食候事畢令本府一面去折內中乞就用天  
章閣南壁空地上隨宜權行修蓋所有合用火燭頭刀

據實用數日從外關入皇城門赴諸司置局處晝夜存  
留造作飲食事畢灑熄其頭及依元人門戶開及出及  
遇有宿直人亦乞申皇城司附奏所有合支諸色祇應  
人食錢等欲乞令左藏庫每料次供送見錢三千貫文  
省如遇支使將欲盡絕中主管所接續關取候事畢據  
實支過錢數目申主管所請御寶除破令未加上尊號  
冊寶行礼主管諸司應被差官吏諸色祇應人等有見  
請人帶行見請無見請人帶行舊請給外每日合支支  
食錢主管所行遺書奏報文字人吏各一貫文主貫文  
字并部禁衛使臣各一貫二百文都大主管官每日破  
第一等食一分承受諸司照管一行事務官每員各日  
日支二貫文內睿思殿祇候三貫文并時暫職事官催

促官物使人各一貫五百文內第一等食如不造作每日早晚供折錢五貫扶持夾侍官每員各日支一貫五百文承受諸司下手分每人各八百文太常寺禮直官太史局冠擇官臨安府應辦官各一貫二百文三省禮工房提點都錄事行遣人每人各二貫文守當官守闕減半并點檢監印催驅房各依分数支破禮比工戶部職級各五百文手守三百文巡視背印投送文字快行親從事官各五百文太常寺行遣人吏贊者職掌臨安府衙前各三百文內執擎儀使軍兵每人各日支五百文內人負各七百元禁衛諸班直圍子親從輦官每人各日支五百文內人負各日支八百文海巡八廂各日支五百文內人員各日支七百元鼓吹人各日支五百

文內鼓吹令各日支七百丈大樂下樂正等天武官各  
五百丈人負樂正各七百丈御厨翰林司儀鸞司各日  
支三百丈人負饗食諸司庫子各五百丈已上並自被  
差到日為始支破至事畢日住支並特與不理名色次  
數其主管所諸司官吏祇應人候結局日住支內時暫  
祇應諸色人遇祇應日支破本所貼黃都大主管官乞  
不破食所有該載不盡食錢名色臨時比附中主管所  
行下支破施行詔依

九月四日礼部太常寺言今續行檢點照加上尊號冊  
實礼例條具到申請事件下項 一加上尊號冊實并  
上壽行礼官乞依礼例令太常寺具案目中書省差官  
施行 一依礼例合差內侍官三員掌管請進御書并



安奉照管乞行下入內侍省官差施行 一加上尊  
號冊寶依礼例合用儀仗導引排立其儀仗乞令兵部  
條具差撥施行及合用鼓吹乞令太常寺依例下殿前  
馬步三司差撥雜樂人充所有導引曲乞從本寺申  
學士院製撰前期降付本寺教習施行 一加上尊號  
冊寶行礼日德壽宮合用權安設冊寶幃次乞令都大  
主管所行下儀鸞司訂設排辦施行 一依礼例合差  
招擎冊寶并執擎沿冊寶法物天武輦官及儀衛親從  
官職掌等並乞令礼部申請差撥施行 一依礼例加  
上尊號冊寶前一日於大慶殿幃次要設是日加上尊  
號冊寶行礼等官并礼部冊寶下御史臺閣門太常寺  
諸司應奉人並合宿衛詔依

九月六日禮部太常寺言今討論下項 一修製光堯  
聖壽憲天休道性仁誠德經武緯文太上皇帝加上尊  
號冊宝今檢准昨淳熙二年加上尊號冊宝制度禮例  
冊用珉玉簡長一尺二寸濶一寸二分厚五分簡數從  
文之多少聯以金繩首尾結帶前後四枚刻龍綫金若  
捧護之狀藉以錦褥覆以紅羅泥金夾帊冊匣長廣取  
客冊塗以朱漆金裝隱起突龍鳳金鎖帔鎔匣上又以  
紅羅綉雙龍蹙金帊覆之承以金裝長干牀金龍首金  
奩鈎藉匣以錦緣席錦褥又紐絲以為縈匣冊案塗朱  
漆覆以紅羅銷金衣宝玉篆文廣四寸九分厚一寸二  
分填以金蹙龍鈕係以暈錦大綾赤小綾連玉環玉檢  
高七寸廣二寸四分皆飾以金裹以紅錦加紅羅泥金

夾帊紉于小盞以金裝內設金牀暈錦褥飾以雜色玻璃碧細玉珊瑚金精石瑪瑙又盞二重皆裝以金覆以紅羅綉帊載以腰輿又行馬並飾以金又有香爐宝子香匙灰匙火筋燭刀皆以金為之已上冊宝并沿冊宝法物製度欲乞令工部下文思院依已降指揮叅照淳熙二年加上光堯壽聖憲天体道性仁誠德太武緯文太上皇帝尊號冊宝製度修製施行一修製壽聖齊明廣慈太上皇后加上尊號冊宝并沿冊<sub>宝</sub>法物制度欲乞令工部下文思院依已降指揮叅照淳熙二年加上壽聖齊明廣慈太上皇后尊號冊宝製度修製施行詔依

中興禮書續編第十五卷

嘉禮二

奉上太上皇帝太上皇后尊號冊寶二

淳熙十二年九月十四日工部侍郎李昌圖言修製加上尊號玉宝礼官討論範樣大小製度玉宝一鈕廣四寸九分厚一寸二分盪龍鈕今勅作匠先次造到盪龍鈕草樣隨狀見到伏乞朝廷詳酌速賜指揮降下以憑施行詔盪龍鈕增高一分餘依今重別增高造到玉宝盪龍鈕樣詔依

九月十五日礼部太常寺言合差撰冊文等官伏乞降勅官差施行詔光堯壽聖憲天体道性仁誠德經武緯文太上皇帝加上尊號撰冊文官差左丞相王淮壽聖

齊明廣慈太上皇后加上尊號撰冊文官差右丞相梁克家光堯壽聖憲天体道性仁誠德經武緯文太上皇帝加上尊號書冊文官差樞密使周必大壽聖齊明廣慈太上皇后加上尊號書冊文官差參知政事兼同知樞密院事施思點光堯壽聖憲天體道性仁誠德經武緯文太上皇帝壽聖齊明廣慈太上皇后加上尊號篆

寶文官差參知政事黃洽禮儀使差右丞相王淮

九月十六日禮部太常寺言擇日皇帝率百僚詣德壽宮奉表牋恭請加上尊號依禮例是日皇帝服靴袍自後殿乘輦應從駕人臣僚禁衛等起居如常儀以俟從駕至德壽宮內不係從駕臣僚先詣德壽宮門外迎駕起居訖先入詣殿門內外立班

如值雨雪溫免迎駕起居隨宜于廊上立班

俟皇帝詣德壽宮降輦奉表牋入宮如宮中之儀次報從駕文武官誼殿下立班定揖班首以下躬贊者拜在位官皆再拜訖次移班稍東再拜如上儀訖退內合赴迎駕起居官却赴逐幕次以俟迎駕奉聖躬萬福合從駕官俟從駕還內詔依

九月二十三日禮部太常寺言依禮例皇帝率百僚詣德壽宮奉表牋恭請加上尊號係學士院修撰表牋進書訖降付御藥院及報太常寺下太史局擇日具申朝廷以俟車駕德壽宮今准學士院公文今來加上尊號表牋修撰書寫已於今月十八日進呈乞降付御藥院施行訖據太史局申選用九月二十三日癸卯吉二十八日戊申吉十月二日辛亥吉詔用十月二日

九月二十八日太常寺言十月二十日皇帝率百僚詣德

壽宮奉表牋恭請加上尊號所有十月二日宰執已下

詣德壽宮起居日分欲乞改用十月四日詔依

十月二日詔令礼部太常寺于十二月上旬擇日加上

尊號冊宝其合行事件令有司疾速施行

同日車駕詣德壽宮奉表牋恭請加上光堯壽聖憲天

体道性仁誠德經武緯文太上皇帝尊號表曰皇帝臣

帝為光堯壽聖憲天体道性仁誠德經武緯文太上皇

帝聖体無彊來職八十體道性仁誠德經武緯文太上皇

尊號伏以睿算尊榮玉御常珍之養鴻名中勒祗陳美

報之誠爰協昌期用輪誠懇臣誠惶誠懼頓首頓首臣

為君建極而敷福得口壽曰康之全天不言而推高兼

休匪假鋪張孰知愛戴矧荷燕貽之訓誕承宏遠之謨

序煥產詳有開于永命蜚英膝茂策關于令猷是宜繹

衆美之列光登萬年之寶奉傳續于悠臨于揚厲功成

備著于形容雖蕩蕩無德而名固難盡述然明明不已

恭請加上壽聖齊明廣慈太上皇后尊號  
伏為先天壽聖憲天體道性仁誠德經武緯文太上皇帝壽聖無疆永安八十誕聖事群臣詣德壽宮恭請加上壽聖齊明廣慈太上皇后尊號之慶帝親詣嘉旦祇控忱衷臣誦惟快  
皇家集福助寔本于內朝在魯邦形昌熾之詩于唐室



著錄芳之冊况乃仕會茲崇高而樂庭閣之並奉年祀者  
 艾而慶典之禮之履行會茲崇高而樂庭閣之並奉年祀者  
 誦合昭昭元尊承天極義維壽聖者明廣慈太上皇太后  
 仁合昭昭元尊承天極義維壽聖者明廣慈太上皇太后  
 才聖皇初慶于修齡乃宮壺並敷之於對銷張莫大之休  
 未符光輝且帝堯蕩乃壽之儀乃率其德用德之義則王母  
 欣然而上壽可稽同壽之儀乃率其德用德之義則王母  
 上之立德既至順顯彰于弘文當元正之戒期得更申于善  
 祝符休德至順顯彰于弘文當元正之戒期得更申于善  
 恭諸文母克慈齊莊之思翼彼同王是彰純備德之德上  
 不勝大願恭請加上尊號曰奉聖太后明廣慈太上皇太后  
 皇太后望慈母之惠愛洞鑒民心思誠八十年貴女之再永皇  
 尊三萬芳慈母之惠愛洞鑒民心思誠八十年貴女之再永皇  
 懷誠懼頻首頓首文武百僚立班再拜並如儀

十月五日德壽宮降浩不允  
 詔曰天人之床誕及我家  
 養壽禮八日快行手書窮時惟聖子武克王休並受伊  
 我乃命公卿大夫禮官張正開釋今典朝為頻蹕涓成

歷吉奉冊于慶莊威德事何美使吾膺延長之廣守冲  
 以盛受謙尊而光無假于增美使吾膺延長之廣守冲  
 約之志詔于四方不亦善  
 乎尚體茲懷始畧勤請

十月七日詔今月十二日率羣臣再詣德壽宮拜表  
恭請光堯壽聖憲天體道性仁誠德經武緯文太上皇  
帝壽聖齊明廣慈太上皇后加上尊號其儀範並依禮  
例行

十月十二日車駕詣德壽宮率羣臣再奉表牋恭請加

光堯壽聖憲天體道性仁誠德經武緯文上帝尊號

皇帝臣等伏以聖上高天體道性仁誠德經武緯文上帝尊號

曰光堯壽聖憲天體道性仁誠德經武緯文上帝尊號

延明謨威烈太上皇帝伏奉德祐未賜命乞者道高太

誠廣喜運結紳茹尚開于俞者最衍冠古登閭之典事元

誠懽頓首頓首臣竊以漢祖奉上皇之壽臣親綴于基

獻別登寶子我名遠超隆于前社稷為眾父在承慈訓

之先立德親親者三屏風于拱明方啟期之壽交字寓  
拘揚願王業之成望本於紹開若祖統之垂光資于興  
起讓以克明而達幾康之用烈以威甚而恢光大之觀

首倡  
變通  
言之

一首

永成  
請君

尊聖  
卷之  
佑

于座

為卜年當天景而福以宣皇恩且本府之榮光在推崇之誼宜  
為同輝之祥輝無以宣皇恩且本府之榮光在推崇之誼宜  
備德聖賢明之設存用彰德太上皇太后殿之榮光在推崇之誼宜  
祐柔嘉行內修大望山而佐高積功遠被廣新室以興  
周含饒喜見子雲祥輝曾允傳于極遠茲備承顏之樂  
方陳介壽之陳教長生之書應西母八十年之會為祝  
康之壽起泰山萬壽之安其儀恭探于至神之日已  
諧于端策伏望曲矜丹勳正協與言父尊母親俱茂顯  
揚之義天高地厚永恆壽載之思謹再奉表陳以請  
聞誠性誠懃頓首頓首謹言

十月十三日礼部太常寺言今具申請事件下項一  
加上尊號冊宝從礼例合用鼓吹導引從仁淳熙二年  
加上尊號冊宝例用法駕半部鼓吹五百三十四人分  
前後部作樂導引其差鼓吹人內合用鼓吹二令名除  
本寺見管一名外闕一名乞于本寺入吏內差攝所有  
其餘人數從例儀殿前步軍司于雜攢樂人內前期均

差充應施行 一從禮例大慶殿發冊并德壽宮壽冊  
室行礼合用宮架樂從欲淳熙二年加上尊號冊室禮  
例用宮架樂四十八架樂正樂工共一百八十八人  
一所有大樂鼓吹內大樂係于本寺教習鼓吹係于貢  
院撰授教習其合用樂章鼓吹導引詞曲茲係學士院  
製撰降付本寺教習欲從淳熙二年加上尊號冊室禮  
例止教習五日 一所有樂正樂工鼓吹樂人合用執  
色服著法衣等從例下祇候庫閣借應副施行 一所  
有大慶殿并德壽宮合用大樂欲從淳熙二年加上尊  
號冊室例每處各設工架樂四十八人架合差般運軍  
兵二百五十人乞從例下殿前步軍司差撥前撥前期  
發遣赴寺般運排辦候禮畢拆卸般運大樂入庫訖發

遣歸司 一所有樂正樂工鼓吹樂人並合入赴大慶殿并德壽宮應奉從本寺開具姓名前期閱報皇城司并德壽宮提舉西關借牌號照驗入出般運施行 一所有至處合用遮護樂架席屋等從例令儀鸞司絞縛內合用蓋席椽木等下臨安府應副施行 一所有鼓吹合用樂器簫笛篳篥等管絃內有年深遠蛀蝕損壞亦無聲韻不堪使用乞下臨安府日下委官前去祇候庫同共看驗如內有委無聲韻具合用名件日下收買赴寺應副教習應奉施行詔依

中興禮書續編第十六卷

嘉禮三

奉上太上皇帝太上皇后尊號冊宝三

淳熙十二年十月十四日詔恭請加上尊號恭奉誥允

可令學士降院詔仍用十月十九日宣布允諾曰懇誠

是加尊太上皇帝既夙時于漢訓視聖人壽國無于堯舜惟

蓋皇穹實春于炎岳群景運遠超于遠古有頻明詔已

喜方慶子延長至天地之美不言自昭于廣大深嘉欽

同日礼部太常寺言奉詔今于十二月上旬擇日加上

尊號冊宝尋閱太史局選到宜用十二月一日庚午年

二十日辛亥吉四日癸丑吉詔用十二月一日

同日又言條具到礼儀下項一奉上尊號冊宝行礼

日恭請太上皇帝服韡袍皇帝服通天冠絳紗袍文武  
百僚朝服立班 一發冊宝畢其冊宝法物等合隨車  
駕經由道路于禁衛前陳列迎奉赴德壽宮行礼其騎  
導騎從官依礼例並服朝服導從 一加上尊號冊宝  
所有應合差舉冊宝入宮中並讀冊舉冊宝及主當傳  
呼内侍等官乞令太常寺具案目報入内内侍省取旨  
差官施行 一發冊宝日麗正門和寧日并南北宮門  
及合經由門戶並比常日早二刻開 一加上尊号冊  
宝行礼日皇帝自大慶殿發冊至德壽宮行礼所有行  
礼官百僚禁衛等乞依礼例至日逐處並免起居  
一發冊宝并德壽宮加上尊號冊宝行礼如至日不測  
值雨欲乞大慶殿東廊隨宜安設冊宝行發冊宝礼德



壽宮西廊隨宜安設冊宝行礼其行礼官并陪位官並  
乞于逐處兩廊並宮殿門內外立班及隨宜引揖時降  
其冊宝並沿冊宝法物並乞令都大主管所園報所屬  
排辦兩具及從駕官并祔應人亦許施兩具其加上尊  
号冊宝導從官免步導步從止騎導騎從 一發冊宝  
及赴德壽宮加上尊號冊宝行礼合用陪位官立班乞  
從御史臺衙門各行條具申請施行 一勘會將來皇  
帝詣德壽宮恭行加上尊号冊宝之礼竊慮至日不測  
值雨所有德壽宮門裏大次前至本宮殿門合用露屋  
乞下臨安府儀鸞司絞縛排辦施行 一發冊宝及赴  
德壽宮行礼七部太常寺所差應奉人內太常寺贊引  
使臣礼直官各有本色服外所有礼部職掌太常寺贊

者等並各合被勅入殿門号從礼部太常寺各具的確  
人数報皇城司閤借事畢送納 一礼部太常寺人吏  
贊者行遣修製冊宝及將來行加上尊号冊宝文字事  
干都大主管所及内中諸司整会文字依例從太常寺  
報皇城司給借勅入宮門号一十道事畢送納詔依十  
月十六日閤門言加上尊号恭奉誥允令學士院降詔  
仍用十月十九日宣有所有手詔乞依例預先降付閤  
門集文武百僚至日子文德殿宣布令擬定節次如後  
其日文武百僚赴文德殿立班定揖躬身知閤門官宣  
有勅兩拜訖且躬身聽宣賜手詔想宜知悉直身立承  
受捧箱于班前提点取手詔對展引率臣使相執政官  
稍前進笏看訖出笏出笏歸位宣贊舍人宣布訖再僚

再兩拜訖揖芴舞蹈三拜訖退詔依

同日礼部太常寺言條具到礼仪下項 下發冊宝日

皇帝于大慶殿庭面冊再拜訖以冊宝授太傅 一昨

加上尊號冊宝行礼官數內侍中一員奉宝并讀宝中

書令一員奉冊并讀冊侍中一員詣御座前承旨並宣

答及奏礼畢及已降指揮侍中與中書尚書二令可並

刪去以左右丞相充其位侍中窠目改稱左丞相中書

令窠目改稱右丞相充續准淳熙三年九月十七日勅

郊祀在近合差官行事所攝官稱其間有合沿革可令

礼部太常寺討論議定今檢照開宝通礼具載奏請致

齋及輦輅前奏請官係稱侍中乾道九年以前係侍中

乾道九年係左丞相今欲依礼例並用侍中攝事肆赦

承旨宣制官開宝通礼係中書令乾道六年以前係侍  
中乾道九年係左丞相今欲以開宝通礼用中書令攝  
事責存舊名以備礼文奉圣旨依所有今來加上尊号  
册宝行礼官數内左丞相案目欲從典礼依舊稱侍中  
右丞相案目依舊稱中書令候今降指揮下日于行礼  
官案目並儀注内修定申請施行 一加上尊号册宝  
行礼日并前後各一日欲乞前後殿不視事 一將來  
皇帝詣德寿宫躬行加上尊号册宝合設大小次欲乞  
令儀鸞司計会所属訂釘設排辦施行 一詣德寿宫  
行加上尊号册宝合設大小次及册宝帷次宫架樂等  
並行礼立班地並乞令礼部太常寺於習儀前期定日  
開報德寿宫提舉所照会同御史臺閤門及應舉官司

相視施行 一加上尊号冊宝合于行礼日前期習儀  
乞令太常寺于行礼前定習儀司分函報御史臺閤門  
告集令赴行礼陪位等官并應奉人並赴大慶殿習發  
冊宝儀次習德壽宮加上尊号冊宝儀 一加上尊号  
冊宝前一日行礼等官并礼部冊宝下御史臺閤門太  
常寺諸司應奉人並合宿衛欲乞例礼儀使宰執于皇  
城司其餘行礼等官並礼部等處應奉人並乞于麗正  
門外待漏院并南宮門裏及內藏庫相對廊屋宿衛其  
合用幕次什物炭火燭<sub>口</sub>等並乞下臨安府同儀鸞司  
銓設排辦施行 一習儀日并加上尊号冊宝行礼日  
乞百司並作休勢<sub>務</sub>假行礼畢次日百司並作歇泊休務  
假詔依

十月十八日兵部言左右金吾衛儀申勘會已降指揮  
加上尊號冊宝用黃麾半仗二千四百十一五人合卓  
立大旗三十四口緣今來係是導引太上皇帝冊宝前  
去德壽宮祇應所有大旗三十四口旗下合用守期旗  
軍兵一十七人共五百七十八人即未敢依舊于殿門  
卓立設今欲乞止用大旗二十口將一十口卓立于在  
麗正門裏殿門外排設內一十口赴德壽宮門外卓立  
應奉亦係前一日卓立依例量留人兵一十人將官一  
員守宿看管其餘一十四口守旗軍兵共二百三十八  
人盡數執擎儀仗導引庶幾不致稀少後批送兵部太  
常寺看詳申尚書省今具下項 一太常寺申本部欲  
依逐處看詳到事理施行契勘卓立大旗三十四口本

寺今看詳欲乞令左右金吾街仗司預期前去德壽宮門外相施地步至時隨宜排設不得有碍導引冊寶及車駕經由道路所有德壽宮門外排設不畫大旗並合于麗正門裏殿門外畫數排設施行 一左右金吾街仗司申依太常寺已看詳事理于德壽宮前相視起步委是窄隘難以畫數卓立今看詳欲將大旗三十四口內一十口于德壽宮前隨宜卓立將五口卓立在德壽宮門外已東至城門將五口卓立在望位橋河東岸德壽岸下即不碍導引冊寶車駕加經由道路其守旗軍兵人數依舊外于量留軍兵一十人將官一員守宿看管其餘大旗二十四口依例于麗正門裏殿門外卓立所有每口旗下守旗軍兵一十七人內止有一十人守

旗每口旗退下軍兵各七人共一百六十八人盡數執  
擎儀仗導引排立庶幾不致稀少乞依例量留軍兵二  
十四人將官一員守宿看管今來加上尊號其合用儀  
仗人兵排定導引執著服色并合差總轄郎官部轄統  
制將官職掌旁頭等並乞依淳熙二年慶寿典禮依已  
得指揮施行詔依

十月十九日文武百僚赴文德殿立班聽宣布手詔如

儀子二紀朕聖訓之名而得壽行天下之壽以望受端

末南童家和之有慶光堯壽聖憲天體道性仁誠德任

武偉文紹堯典統明謨盛烈太上皇帝精微然運傳海

難名恆健緒系集之隆軼唐虞而立制恆謨烈顯承之

壽聖文武以事民終身高人快之期應安煥百王之典

教宅心穆慈宸之德範化全迪德昭萬國之丹儀聖勳永

京室之徽音著康衢之嘉頌聖乾道淳熙之講肅中

未央長樂之朝欣上玉卮之奉廣乾道淳熙之講肅中



寶冊之陳翰誦先再駕之恭授日編三神之沆律頌明  
詔具驗之群方建額号而施香名庶舖于育奕倭多福  
而傳化壽益保祐于無疆名孚德義之心共慶休明之  
運光堯壽聖天子通性仁誠偉太上帝  
宜加上号曰老堯壽聖天子通性仁誠偉太上帝  
文任堯上号曰老堯壽聖天子通性仁誠偉太上帝  
皇任堯上号曰老堯壽聖天子通性仁誠偉太上帝  
令育司祥具備注号曰壽聖天子通性仁誠偉太上帝  
宜放示各想宜知悉

中興禮書續編第十七卷

嘉禮四

奉上太上皇帝太上皇后尊號冊寶四

淳熙十二年十月二十一日禮部太常寺言今參照合  
行申請下項 一將來修製冊寶畢乞自大慶殿導引  
冊寶詣德壽宮請皇帝躬行加上尊號并上壽行礼及  
文武百僚陪位立班行礼儀注令御史臺閣門太常寺  
參酌修定申請施行 一依礼例加上尊號冊寶前三  
日遣官奏告天地宗廟社稷景靈宮宮觀諸陵攢宮其  
應合排辦事件乞並依自来奏告礼例施行 一宝二  
鈕一鈕乞以光堯壽圣憲天體道性仁誠德經武緯文  
紹業興統明謨盛烈太上皇帝之寶三十字為文一紐

乞以壽全齊明廣慈備德太上皇后之寶一十四字為  
文一依禮例候書篆宝冊文官書篆冊宝文畢令文思  
院修製訖本院計會入內內侍省所差內侍進請御書  
訖却降付本院修製畢自文思院儀衛冊宝赴大慶殿  
安設係發冊宝前一日所有殿上合設幄次乞令都大  
主管所行下儀鸞司釘設排辦施行仍乞將射殿作大  
慶殿一依禮例合用宮架樂乞于大慶殿及德壽宮令  
本寺前期相度地步隨宜安設施行所有樂章從本寺  
具節次申學士院製撰前期降付本寺教習施施行詔  
依

同日御史臺言勘合將來大慶殿冊宝及赴德壽宮加  
加上尊號冊宝行礼合用陪位官文臣係用應通直郎

以上及行在見任寺監主簿丞承務郎已上職事官並服朝服赴立班詔依

十月二十三日詔尊號冊宝都大主管改差甘晷

十月二十四日都大主管所言加上尊號冊宝參照昨紹興三十二年應被差官吏諸色等人合支食錢自被差日支破至礼畢日住支當時止係支給一月餘日所有今來加上尊號自今年八月內承降指揮至將來行礼僅及半年若依已降指揮自被差日為始支給至礼畢日住支委是於所取料次錢數支散不敷本司今乞將應合支食錢處並依紹興三十二年奉上尊號并淳熙二年加上尊號礼例第日數支給有所支賜立乞依紹興三十二年并淳熙二年節次礼例施行內三省礼

工房食錢欲乞更支五日三省戶房依礼工房食錢則例欲減半特支一十日三省吏房欲依戶房已減半支賜更改一節次支給其恩澤錢更不支破樞密院吏房欲依本院礼工房例支賜一節次并礼工戶比部支賜節次欲各更支銀一兩其餘合支恩澤錢等去處欲乞從諸司開具申都大主管所斟酌量行支破施行所有官吏等支賜銀絹並乞特支本色詔依

十月二十七日礼部太常寺言加上尊號冊宝礼畢依礼例執率文武百僚擇日詣文德殿拜表稱賀皇帝次移班拜牋稱賀皇后其合用表牋乞行下礼部修撰詔依

十月二十八日閤門言勘會將來加上尊號冊宝行礼

至日欲用武臣修武郎以上并三衛員僚以上赴赴逐處陪位立班詔依

同日礼部太常寺言檢準淳熙儀制令諸大慶天礼發運監司官

提點坑冶鑛官等

諸州長吏奉賀表所有今來加上

尊號冊宝礼畢係大慶典礼合依上條施行乞候令降指揮下日令進奉院遍牒施行詔依

十一月二日礼部太常寺言今具合申請事件下項

一加上尊號冊宝行礼畢皇帝致詞賀太上皇帝次侍中承旨宣答畢次入賀太上皇后如宮中之儀皇帝賀太上皇帝畢皇太子率文武百僚致詞祔賀太上皇帝次侍中承旨宣答訖太上皇帝還宮次宰執率文武百僚拜牋賀太上皇后訖退祔賀并宣答詞並乞令學士

院修撰其牋乞令禮部修撰 一勘會大慶殿發冊宝畢車駕詣德壽宮恭行加上尊號冊宝之禮其行礼官並合從冊宝赴德壽宮數內前導礼儀使奏中嚴外辦礼部侍郎進接主殿中殿承旨宣答等官不係導從冊宝官合常服從駕遲至日從駕至德壽宮換易朝服赴赴立班行礼竊恐 緩欲乞大慶殿發冊宝畢先赴德壽宮以俟立班行礼候行礼具畢應合從駕文武臣僚並從駕還內其餘應合赴迎駕起居官却赴赴本處以俟迎駕奏圣躬萬安 一勘會大慶殿發冊宝其合用燈燭等乞令都大主管所行下諸司關報所屬排辦詔依

十一月十日礼部言今有合行事件申請下項 一勘

會已降指揮尊號冊宝係冊宝兩副今欲每冊宝下各  
合差撥輦官二十四人每冊一十二人傳唱人負一名  
并檯擎香案二副共合差輦官八人通共差輦官五十  
八人人負二人在內及執事擎沿冊宝法物冊宝案行  
馬燭籠等天武官五十人管押人負二人在外并援衛  
親從官一百人人負二人在外援衛傳唱街仗司二十  
人人負二人在外並乞下皇城司御輦院殿前司左右  
金吾街仗司差撥前期赴部指說教習祇應所有親從  
輦官合服纈衫腰帶骨朵等并天武官街仗司合服著  
法衣衫執仗子并逐人合帶勅入殿門號等並令逐處  
一面據所差人數圖報合屬去處關借一奉上宝號  
冊宝係冊宝二副每冊宝一副共合差捧冊宝職掌一



十人

內冊合差六人  
案合差四人

冊案案各二人冊案案席褥各

二人兩副冊案共合差捧冊案職掌二十人捧冊案  
職掌共八人席褥職掌共四人并主進中嚴外辦解牙  
牌職掌二人并于禮部主令已下選差如不足于祠部  
主客膳部人內差撥所有逐人各服絳公服乞下祇候  
庫日下閑借其所帶勅入殿門號乞下皇城內司依數  
闕借 一合用引導燭籠共一十六支係每一腰輿用  
燭籠四隻并合用點照令文思院製造如至時合用點  
照燈燭乞下皇城司閑借 一奉上及宿衛日欲令文  
思院逐作內各差手高工匠二人權借入殿門牌號隨  
逐冊案祇備緩急修整遇夜量留人數許于捧冊案職  
掌幕次內守宿詔依

十一月十一日禮部太常寺言加上尊號冊宝奏告天地宗廟社稷景靈宮宮觀諸陵櫟宮日依禮例皇帝前  
後殿不視事詔依

十一月十四日太常寺言今具合差官案目下項一  
合差加上尊號冊宝太傅一員一合差侍中一員奉  
光堯壽圣憲天体道性仁誠德經武緯文紹業興統明  
謨盛烈太上皇帝宝并讀宝及奉壽圣齊明廣慈備德  
太上皇后宝一合差中書令一員奉光堯壽圣憲天  
体道性仁誠德經武緯文紹業興統明謨盛烈太上皇  
帝冊并讀冊及奉壽圣齊明廣慈備德太上皇后冊  
一合差侍中一員詣太上皇帝御座前承旨并宣答及  
奏礼畢一合差前導礼使一員前導并奏礼畢一

合差押冊案吏部侍郎二頁一頁押光堯壽圣憲天体  
道性仁誠德經武緯文紹業興統明謨盛烈太上皇帝  
冊案一頁壽圣齊明廣慈備德太上皇后案 一合  
差奏中嚴外辦礼部侍郎二頁一頁奏中嚴外辦一頁  
奏中奏中嚴外辦 一合差進接主殿中殿一頁 一  
合差前導冊案太常卿一頁 一合差舉冊四頁二頁  
舉光堯壽圣憲天体道性仁誠德經武緯文紹業興統  
明謨盛烈太上皇帝冊二頁舉壽圣齊明廣慈備德太  
上皇后冊 一合差舉案官四頁二頁舉光堯壽圣憲  
天体道性仁誠德經武緯文紹業興統明謨盛烈上太  
皇帝案二頁舉壽圣齊明廣慈盛烈備德太上皇后案  
一合差押樂太常卿一頁 一合差奏解嚴礼部郎

中二員一員奏解嚴一員御前奏解嚴 一合差太常  
博士三員一員贊引大傅一員贊引前導禮儀使一員  
贊引太常卿 一合差協律郎一員詔依

同日又言加上尊號冊宝依禮例前三日奏告天地宗  
廟社稷景靈宮宮觀諸陵櫟宮合差官並於十一月二  
十七日絕早赴逐處齋宮致齋

內宰執于  
都堂致齋

至二十八日

行事畢退詔依

十一月十七日禮部太常寺言恭行加上尊號冊宝畢  
宰執率文武百僚擇日詣文德宮拜表稱賀皇帝次移  
班拜牋稱賀皇后據太史局申宜用十二月四日癸丑  
吉詔依

中興禮書續編第十八卷

嘉禮五

奉上太上皇帝太上皇后尊號冊宝五

淳熙十二年十月一十八日工部言文思院提轄官曾三復劄子契勘本院奉聖旨修製造加上尊號冊宝儀物等目今工作各有次第內玉宝一鈕據本院玉工王靖及太常寺礼直官童士成等供狀稱昨于淳熙二年造宝座龍鈕下穿竅眼并國朝典故繫以赤小綾及錦大綾連玉環索到淳熙二年宝樣并日近降到宝樣龍鈕下即無竅眼本界皆無舊吏及無日前案牘可以稽考未委今來所造玉宝合與不合于龍鈕下穿竅眼緣事体重大未敢專欲乞特與申明朝會檢照指定行

下庶幾可以遵稟製造本部所據曾三後呈劄備錄在前詔令工部行下文思院照應淳熙二年已修製体例疾速施行

十一月二十六日太常寺言加上尊號行礼合差進中嚴外辦等閤門宮大慶殿二員前導皇帝行礼一員進中嚴一員進外辦牌兼進解嚴牌德壽宮二員前導皇帝行礼一員進中嚴牌兼進解嚴牌一員進外辦牌詔依

十二月十四日行礼都大主管所言據主管諸司申據本司行遣文字承信郎御前祇應傅昌朝等狀蒙差修製加上光堯壽圣憲天体道性仁誠德經武緯文紹業興統明謨盛烈太上皇帝壽圣明廣慈備德太上皇

后尊號冊宝行礼主管諸司下祇應自被差行移催促修製及應辦一行事務至今來加上了畢事體至重夙夜究心並無曠闕今來昌期等一等時天幸遭遇盛昨淳熙二年冊宝其被差官吏各蒙等第推恩今來典禮增重所有都大主管所并承受諸司三省礼房一行被差官吏等乞保明備申都大主管所依淳熙二年冊宝等第体例敷推恩本所承受幹辦御藥院鄧從訓甘宗茂內中奏聞奉圣旨淳熙二年加上尊號冊宝体例等第推恩內都大主管官甘曷承受官鄧從訓各特興與階官上轉行兩官甘宗茂諸司官闕礼符恩和各特與遙郡上轉行兩官何弼特與見今官上轉行兩官其餘礙止法人依條回授內白身人候有名目特作一官資

收使本所照得淳熙二年加上尊号冊宝了畢推恩係依紹興三十二年奉上尊號冊宝体例等第推恩第一第都大主管官承受諸司官各轉兩官第二第照管一行事務三省礼工房主管 推促照管官物使臣主管文字并行遣使臣各轉一官減二年磨勘第三第主管所白身行遣人並承受諸司下行遣人礼直官尅擇官快行親從親事官各轉一官資詔依

大慶殿發冊宝儀

陳設

前一日儀鸞司帥其属張設大慶殿及德壽殿門之内外設御幄于大慶殿御幄風後之西東向随地之宜設宝幄于大慶殿當中南向設皇帝褥位三一于大慶殿



上冊室帳之東西向一于殿下當中面冊一于殿下當  
中南向又設以冊室授太傅褥位一于殿下當中橫鋪  
太常設宮架之樂于大慶殿庭協律郎位于于宮架西  
北東向押樂太常卿位于于宮架之北北向儀衛司設位大  
武百僚次于大慶殿門外又設文武百僚次于德壽宮  
之内外設太傅受冊室褥位于大慶殿下發室冊褥位  
之前東南側向又設置冊室褥位一十二内四于殿下  
西階之東西向冊北四于殿下東階之東西向冊南又  
設太傅位于殿下西階之西東向侍中中書令位于太  
傅之東後向北上吏部侍郎位二一于太上皇帝冊案  
之後一于太上皇帝冊案之後東向又設舉冊官位四  
二于太上皇帝冊案之後二于太上皇后冊案之後又

設禮部侍郎二一于太上皇帝宝座之後一于太上皇  
后宝座之後俱重行東向又設舉寶官位四二于太上  
皇帝宝座之後二于太上皇后宝座之後俱重行東向  
設太常博士又于其後設皇太子并文武百僚位于宮  
架之北東西相向又設大次于德壽宮大門之內并設  
小次于殿東廊之上西向設權安設冊寶幄于德壽宮  
大門之內隨地之宜德壽殿上施簾又設太上皇帝御  
座于德壽殿下當中南向設皇帝褥位二一于殿上當  
中北向一于太上皇帝御座之東西向太常設宮架之  
樂于德壽殿門之外北向隨地之宜協律郎位于宮架  
西北東向押樂太常卿位于宮架之北東向設置冊寶  
褥位四于殿上西階下北東向重行一于殿上當北當為上又設冊

宝褥位五四于殿上稍東北向重行一于殿上當中北向設太傅奉冊宝位于德寿殿上前楹間又設讀冊宝位于冊宝南當中北向又設吏部礼部侍郎位二于殿上在西稍南東向又設太傅侍中中書令吏部礼部太常卿太常博士位並如大慶殿西階位之儀皇太子并文武百僚位于宫架之北東西相向前一曰儀仗鼓吹列于大慶殿門外禁衛等列于殿庭至夜權退

### 大慶殿發冊宝

其日皇太子并文武百僚集于大慶殿門外幕次各服朝服儀仗鼓吹列于殿門外禁衛等列于殿庭樂正帥工人以次入閤門太常寺分引前導官礼儀使閤門官太常博士并礼直官分立于御幄前之左右次贊者引

押樂太常卿協律郎入就位次御史臺閤門太常寺分引文武百僚入就殿下東西相向立定管軍御帶等穿衣執骨朵于大慶殿東朵殿侍立都大主管官往來舊照管次禮直官贊者分引吏部禮部侍郎舉冊舉寶官太常卿侍中中書令太傅俱詣殿下西階之西褥位東向立次閤門提點引皇太子到位西向立少頃禮直官引侍中書令吏部禮部侍郎升殿西階詣冊寶幄之西重行東向立次贊者引舉冊舉寶官升殿西階于吏部禮部侍郎之後東向立次禮直官太常博士引太常卿升殿詣西階上之西東向立定皇帝自內服緋袍入御帳簾降皇帝張通天冠絳紗袍次閤門太常寺分引閤門官禮部侍郎奏請中嚴少頃又奏外辦次禮直官

太常博士引禮儀使當幄前俛伏跪奏稱禮儀使入臣  
某言請皇帝恭行加上光堯壽圣憲天体道性仁誠德  
經武緯文紹業興統明謨至烈太上皇帝壽圣奇明廣  
德慈備德太上皇后尊號發冊宝之禮奏訖俛伏興還  
位簾捲前導官前導皇帝出御幄殿中監跪進大圭禮  
儀使奏請執大圭皇帝執大圭殿中監進大圭詣東階  
上西向少立以俟禮畢  
授大前導官前導皇帝詣殿上冊宝幄前褥位西向立  
以引舉冊官入幄搢笏跪舉太上皇帝冊興禮直官引  
中書令搢笏奉冊吏部侍郎押冊案次引舉宝官入幄  
搢笏跪奉太上皇帝宝興禮執官引侍中搢笏奉宝禮  
部侍郎押宝案次引舉冊官入幄搢笏跪舉太上皇帝  
后冊興吏部侍郎押冊案次引舉宝官入幄搢笏跪舉

太上皇后宝興礼部侍郎押宝案礼直官太常博士引

太常卿前導冊宝進行協律郎跪俛伏舉麾興工鼓祝

宫架正安之樂作凡舉冊宝并置冊宝于案皆礼部掌執助舉前導官前導

皇帝步從侍中中書令奉冊宝降自西階至殿下褥位

東向置定偃麾要敵樂止凡樂皆協律郎跪俛伏舉麾興工鼓祝而後作偃麾要敵

止而後侍中中書令已下各詣西階下褥位東向立前導

官前導皇帝至殿下冊褥位次舉冊宝播笏跪舉太

上皇帝冊興吏部侍郎押冊案舉宝官播笏跪舉太

上皇帝宝興礼部侍郎押宝案次舉冊官播笏跪舉太

上皇帝冊興吏部侍郎押冊案次舉宝官播笏跪舉太

上皇后宝興礼部侍郎押宝案次礼直官太常博士引太

常卿前導冊宝行宫架作正安之樂至殿下當中褥位

南向置定樂止次引吏部礼部侍郎舉宝官執笏退詣

殿東階之東褥位西向立次引太常博士引太常卿俱

詣殿階之東褥位西向立礼儀使奏請拜皇帝再拜興

儀曰再拜贊者承傳在位官皆再拜訖內應行事執事應奉官不拜德

壽宮並次贊者引舉冊官詣太上皇帝冊案之左右東

西相向措笏跪舉冊興吏部侍郎押冊案先詣皇帝褥

位前置定吏部侍郎退立于東階下西向次礼直官

引中書令詣太上皇帝冊位之北南向措笏奉冊進行

宮架作礼安之樂至皇帝褥位前南向皆跪置冊于案

中書令執笏興退詣殿東階下西向立舉冊官執笏興

少立次礼直官太常博士引太傅詣受冊褥位東南向

側身俛伏跪舉冊官措笏跪舉冊礼儀使奏請皇帝措

大主跪捧冊授太傅大傅搢笏受冊又奉請皇帝執大  
圭俛伏興太傅興舉冊官舉冊興太傅奉冊于殿東階

下詣太上皇帝冊褥位西向跪置冊于案樂止凡冊室

皆禮部先舉冊室案詣殿舉冊官執笏退立冊案之後

太傅執笏興立于冊案之側西向立次贊者引舉室官

詣太上皇帝室案之左右東西相向搢笏跪舉室興禮

部侍郎押室案先詣皇帝褥位前置定禮部侍郎退立

于東階下西向次禮直官引侍中詣太上皇帝室位之

北南向搢笏奉室進行宮架作禮安之樂至皇帝褥位

前南向皆跪置室于案侍中執笏興退詣殿東階下西

向立舉室官執笏興少立次禮直官太常博士引太傅

詣受室褥位東南向側身俛伏跪舉室官搢笏跪舉室



又奏請皇帝執大圭跪捧宝授太傅播笏受宝又奏請于殿東階下詣太上皇帝宝座位向西跪置宝于案樂止舉宝官舉宝興退立于宝案之後太傅執笏興立于宝案之側西向立次引舉宝舉宝官奉太上皇后册宝吏部礼部侍郎押册宝案侍中中書令奉太上皇后册宝皇帝捧太上皇后册宝授太傅並如太上皇帝册宝之儀訖太傅已下並退詣殿東階下褥位西向立前導官前導皇帝詣殿下當中南向褥位少立贊者引舉册官舉宝官詣册宝位俱播笏跪舉册宝興吏部礼部侍郎押册宝案礼直官太常博士引太常卿前導册宝由宫架東進行宫架作正安之樂太傅侍中中書令從後册宝出大慶殿正門樂止輦官捧擎一向設太傅

奉冊宝位于德寿殿上前楹間又設讀冊宝位于冊宝  
南當中北向又設吏部礼部侍郎位于二殿上在西稍  
南東向又設太傅侍中中書令吏部礼部太常博士位  
卿太常博士位西並如大慶殿西階之儀設皇太子並文武百  
僚位于東階宮架之北東西相向前一曰儀仗鼓吹立  
于大慶殿門外禁冊宝冊宝置于腰輿初冊宝出大慶殿正  
門礼直官太常博士引礼儀使詣皇帝褥位前北向僂  
伏跪奏稱礼儀使臣某言礼畢奏訖伏興復位前導官  
前導皇帝升自東階將至御幄礼儀使奏請皇帝釋大  
圭殿中監跪受大圭訖皇帝入御幄簾降次引閣門官  
礼部郎中奏解嚴皇帝服解袍還內如來儀皇太子并  
文武百僚以次退

內合導從冊宝官并從駕臣僚以俟  
導從冊宝并從駕其不該導從從駕

官並先出和寧門赴德壽宮